

Prome Minister Mike Eman a entrega certificado y felicita nan y nan famia

Formacion Social ta presenta cinco hoben mas cu ta cla pa bira ciudadanonan ehemplar

UN ceremonia memorabel a tuma luga den patio di Fort Zoutman na Playa na ocasion di e entrega di certificado hobennan cu a completa e programa di Formacion Social. Prome Minister Mike Eman a compaña e hobennan aki firmando y entregando su mes e certificado na cada un.

E ta un logro cu ta yena Gabinete Mike Eman cu hopi satis-

faccion di por a brinda un di dos oportunidad pa tin un futuro mas fructifero na hobennan den nos comunidad. Principalmente e tambe un logro personal pa cada hoben confirmando di kico nan ta capaz di haci pa nan mes y con contento nan ta haci nan famia na mesun momento. E hobennan cu a completa e trayecto di programa cu ta inclui entrenamiento militar y

educacion pa ofishi ta: Derik Burleson, Josue Dirksz, Rha-keem Samuel, Brian Orman y Sherman Zijlstra. Nan a cuminsa na januari 2013 como parti di e grupo number 3 di e Sociale Vormingstraject, iniciativa particular di Prome Minister Mike Eman. Na e momentonan aki grupo number 4 den su ultimo fase mientras cu grupo number 5 a caba di cuminsa. Registra-

cion pa grupo number 6 cu ta inicia na augustus proximo, ta habri.

Entre e graduadonan a resalta e hoben Josue Dirksz di Mabon, pa cual motibo el a ricibi un plakkaat special cu ta duna e honor di ta e 'Miho Graduado' di su grupo. Lidernan di programa Formacion Social, mamanan y tur esnan presente a comparti un atardi di alegria y satisfac-

cion den un ambiente ameno. Famianan di e graduadonan a comenta cu e hobennan aki awo tin tur e hermentnan necesario pa hiba un bida beneficioso den nos comunidad. Presente na e ceremonia tambe tabata e participantenan di grupo number 5 cu a experiencia pa nan mes e momento special di graduacion cu un dia nan tambe por ta parti di dje.

